

國家「十一五」重大文化出版工程項目

域外漢籍珍本文庫

第二輯

西南師範大學出版社
人民出版社

域外漢籍珍本文庫編纂出版委員會

域外漢籍珍本文庫

第 輯
經 部

西南師範大學出版社
人 民 出 版 社

圖書在版編目 (C I P) 數據

域外漢籍珍本文庫. 第2輯. 經部 / 《域外漢籍珍本文庫》編纂出版委員會編. — 重慶 : 西南師範大學出版社 ; 北京 : 人民出版社, 2011.4

ISBN 978-7-5621-5213-2

I. ①域… II. ①域… III. ①古籍—善本—中國—叢書 IV. ①Z121.7

中國版本圖書館 CIP 數據核字(2011)第 059685 號

域外漢籍珍本文庫 (第二輯)

經部 (第 1—14 冊)

域外漢籍珍本文庫編纂出版委員會 編

責任編輯: 黃書元 周安平 劉春卉 李遠毅 盧渝寧 潘少平 陳鵬鳴

趙凱 徐林平 翟金明 劉中玉 范慧華

責任校對: 郭曉娜 劉豔強 王仁霞 左全琴 周思遠 劉英 崔人元

韓悅 曾艷 李紅

版式設計: 郭清霞 郭清梅

封面設計: 屈洋

出版發行: 西南師範大學出版社

地址 重慶市北碚區天生路 2 號 郵政編碼 400715

<http://www.xscbs.com>

人民出版社

地址 北京市朝陽門內大街 166 號 郵政編碼 100706

<http://www.peoplepress.net>

經銷: 全國新華書店

印刷: 三河弘翰印務有限公司

開本: 880mm×1230mm 1/16

印張: 632

版次: 2011 年 4 月第 1 版

印次: 2011 年 4 月第 1 次印刷

書號: ISBN 978-7-5621-5213-2

定 價: 叁仟捌佰圓

ISBN 978-7-5621-5213-2



9 787562 152132 >

第十四冊目次

四書章句集注鈔說(二) 十二卷首一卷	〔日本〕平安仲欽撰	日本元祿三年序刊本	一
全韻玉篇 二卷	〔朝鮮〕佚名編撰	朝鮮一八一九年新刊本	一二一
廣韻 五卷	(宋)陳彭年等修	元至正二十六年南山書院刊本	二〇一
奎章全韻 二卷	〔朝鮮〕正祖御定	朝鮮刊本	二九九
經義記聞錄 六卷	〔朝鮮〕韓元震撰	朝鮮景宗二年序刊本	三四九
三經四書正文 十卷	〔朝鮮〕尊賢閣校正	朝鮮英祖五十一年秘書館新鑄古活字本	四七七

四書章句集注鈔說（二）

孟子集註鈔說卷首

孟子集註序說

史記列傳曰至門人

列傳者謂叙列人臣事迹令可傳於後世計趙氏後漢京兆人各峻字鄉鄉注孟子孟子字子車漢書注引王肅證聖論云然今孔叢子書既稱孟子車一說字子輿出史記正義及傳子書○次第註騶亦作鄒按騶鄒鄒三字皆通據古記考之鄒即孔子之鄉爲魯之邑也久今以孟子之鄉爲鄒國是鄒遷于鄒山而後亦名鄒也蓋名同地異而相近耳○三節討索隱史記注唐司馬貞撰王勣

孟子鈔說一

亦唐人勣之弟孔叢子孔子八世孫趙孔鮒所著書名孟子師子思劉向列女傳亦言之果氏曰按孟子自魏惠王三十五年游梁至哀王七年而燕人畔齊距孔子蓋一百六十七年子思享年六十有二去孔子四五十而卒而孟子始生其不得親受業可見

道既通至事情

註孟子尤長於詩書此爲其屢引詩書而以爲尤熟於此耳○下節討古史宋蘇轍所著稟襄王惠主子得王宣王子史年表以齊威王立三十六年宣王立十九年湣王立四十年通鑑則下減湣

王之上十年上益威王之十年移下宣王十年以合伐燕之事通鑑考異亦溫公所著參訂羣書之異同俾歸于一按史記世家年表之說亦自有相抵牾者又戰國策以伐燕爲宣王時事故金氏曰齊王宣伐燕孟子所見也謂爲湣王者荀卿所聞也史記又所傳聞者也當以孟子爲是况又有戰國策之可據乎

當是之時至七篇

商鞅衛公孫鞅好刑名之學秦孝公委以政封鞅于商故以名鞅廢井田開阡陌果起亦衛人好用兵爲魏文侯將孫子指孫臏非孫武王廣之先人齊威

孟子鈔說一

二

主以腹爲軍師○從與縱同衡與橫同南北曰從東西爲衡山東地縱長燕秦相六國從燕齊令從韓魏趙親而擯秦也關西地形衡長張儀相秦令破其從而連秦之衡故蘇爲合從張爲連衡也○乃詩書蓋謂取孔子所刪定者而序正之○述是傳其意作是自立其說既是所如不合而道不行於當時是以退作七篇欲傳於來世按韓諡其徒萬章徒字與大文萬章之徒々字不同又按唐林慎思續孟子所言亦與韓子同或問序說謂史記近是而集註於滕文公篇首章云門人不能盡記其辭又第四章云記者之誤如何朱子曰前說是後兩

處失之又曰孟子疑自書之書故首尾文字一體無些子瑕疵不是自下手安得如此好若是門弟子集則其人亦甚高不可謂軀死不傳矣又曰豈有如是而沒世下開耶朱子又嘗謂易繫子曰字後人所加故諸儒皆言此書孟子曰及國君諸謚亦皆後人所竄入也趙氏題辭云焚滅經術坑戮儒生孟子徒黨盡矣其書號為諸子故篇籍得不泯絕

○韓子曰堯以是傳之舜至不詳

荀子趙人荀况所著書楊子淵揚雄字子雲撰沛言擇語二字承上文是字語精以究窮言詳以謙論言註蹈襲猶蹈藉也襲因也相循襲前人言語

孟子鈔說一

三

鑿空鑿空書注空孔也猶始鑿其孔穴也一說鑿空掠虛也猶今人弄空走空也不知言所傳者何事朱子曰此非深知所傳者何事則未易言也宋按此韓子原道篇論道統之說也所謂是者便是道而其所以為實者仁義也此言雖無所蹈襲蓋因七篇末孟子所自言而述之也但韓子獨信之而其自堯舜以來聖々一脉相繼而以孟子受之也孟子之沒不得其傳也荀與揚不繫于統也從前人未嘗見到此夫三代之後諸子所說皆道也而所見各不同韓子非有真得於斯道者而豈能言得分曉的確如此哉

又曰孟氏醇乎醇者也至小疵

按醇字韓子上文以醇粹言則與純同義說亦厚美者非醇乎二字只是形容下醇字非醇而又醇之謂大醇謂大綱醇也程子又曰荀卿才高其過多揚雄才短其過少按揚子既不識天命之性更何能說率性之道矣

又曰孔子之道至子始

金氏曰太是規模之大博是節目之詳猶觀其大盡識其詳章末孟子二字以書而言註明道曰參也竟以魯得之輔氏曰曾子只緣貧賤魯鈍故用功於內者深篤確實觀其啓手足言所謂一息尚

孟子鈔說一

四

存此志不容少懈者此聖道之所以終傳而有子思孟子之學也宋按所傳者二句謂其道之所以傳於後者如子思如孟子亦皆學曾子所學而能承繼其道者也

又曰揚子雲曰至此也

雖切何補書雖切中時弊用之無人竟與世道無補大經者五品之人倫大法蓋指刑政典章之屬存十一於千百陸機賦中語左狂夷狄之俗侏離蠻夷語言不分明之貌蒙引示無孟子則揚墨行正道廢天下皆歸於無父無君之教而淪胥於夷矣書曰地平天成萬世永賴特乃功則自古功高

考莫禹若也故獨舉禹以推揚孟子之功

○或問於程子曰至耀也六第

輔氏曰未敢便道他是聖人以其行處言學已到聖處以其知處言也○只此二字盡專指養氣二字○安可不以適自任朱子曰孟子似伊尹○輔氏曰英氣是剛明秀發之氣此是好底氣質若消化未盡極有圭角則有時而發陳氏曰英氣甚害事蓋責備賢者之辭大賢一讀亞聖指顏子謝氏曰孟子明則動矣未變也顏子動則變矣未化也問孟子露其才蓋亦時然而已豈孟子亦有戰國之習否朱子曰亦是戰國之習

孟子鈔說一

五

楊子曰孟子一書至熟讀

存心養性收其放心欽按收放心所以存心存心所以養性此處說倒了○朱子曰心得其正然後知性之善語若有病蓋知性之善然後能正其心心得其正然後有以真知性之為善而不疑耳輔氏曰人能正心則事無足為者其語亦失之大快觀大學正心之後於修身齊家治國平天下更有工夫在歐陽文集云夫性非學者之所先聖人之所罕言也欽按人性上不可添一物謂不須添一物而天下之道皆由此出○薛敬軒曰孟子七篇廼深淵之正傳經千餘載世儒例以子書視之而

無知之者獨闢之韓子謂孟子醇乎醇者也又曰軻之死不得其傳又曰求觀聖人之道必自孟子始又曰孟子之功不在禹下是則千載之間知孟子者韓子一人而已宋之大儒有德業聞望重於一世者指司猶擠孟子於法言之後尚何望於他人耶惟河南程朱子倡明絕學始表章其書發揮其指而一時及門之士遂相與翕然服膺其說天下始曉然知其為洙泗之正傳而不敢妄議至朱子又取程氏及羣賢之說會粹折衷以釋其義與論語大學中庸列為四書由是洙泗之正傳益以明備千古入道之門造道之閫無越于此矣有志

孟子鈔說一

六

者為篇所力哉

孟子集註鈔說卷一

○梁惠王章句上

按此孟子書第一篇取篇首三字題其端後放此章句之解之別稱先區別章句而注解釋之意於其間也趙氏注此書每篇分上下凡十四卷今首各題曰某篇章句上或下凡幾章後人注疏本又別書題下曰漢趙氏注宋孫奭疏蓋以章句與注複言亦不相妨也朱子著集註特沿其舊題耳

○孟子見梁惠王

註梁惠王魏侯也魏之先為晉大夫後與趙韓

孟子集註鈔說一

三分晉國遂命為諸侯文侯斯是也當斯之孫始稱王但孟子至梁時未王此著書之時追書爾○或問孟子不見諸侯其見惠王何也朱子曰不見諸侯不先往見也見惠王答其禮也先王之禮未仕不得見諸侯時士辭自重而孟子猶守此禮故所居之國未仕必君先就見然後往見異國君不得越境必以禮先焉然後往答其禮耳史記得其事之實矣

王曰叟二節

惠王亦字從戰國策士生○三節必亦二字相呼應而已矣者見此外無可言也註仁者心之德愛

之理說見論語首篇金氏曰此章從全體上說故首曰心之德論語從考第上說故首曰愛之理集註精密類此義者心之制事之宜朱子曰心之制亦是就義之全體說說事之宜是就千條萬緒各有所宜處說按心之所制即是事之宜處非有二也只是自心言與自事言之與耳蓋心之制是人心所以裁制事理者所謂處物為義也朱子曰理處物事之宜謂事物之理人心裁制之則各有所稱其宜處也乃理在物而所以制其宜則在心也朱子曰此未說到處置事理而各得其宜處耳此兩句皆以用言而體自在其中矣○或問人所

孟子集註鈔說一

二

以為性者五獨舉仁義何也朱子曰天地所以生物不遺陰陽五行而五行一陰陽也人性雖有五然曰仁義則大端已舉矣以陰陽五行言水火皆陽金水皆陰而土無不在以性言則禮者仁之餘一作智者義之歸一作而信亦無不在也又曰仁存諸心性之所以為體也義制夫事性之所以為用也然以性言之則皆體也以情言之則皆用也以陰陽言之則義體而仁用也以存心制事言之則仁體而義用也錯綜交羅惟其所當而各有條理焉

王曰何以利吾國節

此節因惠王將有以利吾國一句以發論端首三句雖並說却要見上好下甚須側重王曰一句孟子按本塞源防微杜漸正在此處着力○上下二句王要利便取之於下士庶人要利便取之於上大夫要利便上取於君下取於民故曰交征○萬乘六句正說國危之事兩必字分明言上下交征利畢竟上人受虧萬乘千乘百乘是以君十卿禄大槩言之也千乘之家亦是千乘之國入則爲公卿出則爲侯伯其曰家者特對國而言耳君臣之別也千乘之地實方三百六十里有奇註云方百里只是知百里爲千里之十一而偶不察方百里

孟子鈔說一

三

爲方千里之百一耳按漢刑法志言千乘之國是諸侯之大者也百乘之家是卿大夫采地之大者也蓋先王建國分地自有大小或是以周季并吞之時言皆不可知矣○萬取千以下承上文而推言其所以然以應何以利一段取字當得字看臣得君之十一此力所當得便是義凡言利者皆欲得其分外也先後猶云緩急後義先利雖說臣下却要根上好利來方見禍根都在王一利國上張

必補仁字

未有仁而遺其親者也節

此仁義就在下者說二者字正應大夫士庶朱子曰仁者人也其發則專主於愛而愛莫切於愛親故人仁則必不遺其親矣義者宜也其發則事皆得其宜而所宜者莫大於尊君故人義則必不後其君矣按兩句文雖相對而實是言仁以起義忠孝一理所謂孝所以事君也故註連言仁義而親戴於已絕之此上節言惟上之求利而後下皆求利故此註亦先揭人君躬行仁義二句言仁義亦自上始其下化之亦皆仁義畢竟其利歸於上

孟子鈔說一

四

蓋外仁義以求利孟子之所戒此輩之大旨也行仁義而得利集註所發明亦孟子此節之本意也上反覆言利之害而至於弑奪此的確指仁義之利而以至不於遺後一奪一予最有機鋒○胡氏曰人性有五仁義爲先人倫有五君親爲大所以孟子揭此於七篇之首

王亦曰仁義而已矣節

按上文論仁義之可尊已盡矣故此先言仁義而後言利欲王以仁義易利心而已矣○胡氏曰子朱子深有取於三山黃登之言曰天下一切人都把害對利事上只見得利害不問義理須知

利字乃對義字明得義利便自無爭之事集註所謂循天理則不求利而自無不利是以利字與義字對而利不出乎義之外徇人欲則求利未得而害已隨之是以利字與害字對而害已藏於利之中也朱子又曰以利心爲仁義即非仁義之正不待有不利然後仁義阻也徐敞弦曰義利二字是治道學術大關節明此則純王雜霸君子小人皆一時勘破故七篇之論以此而始陳氏曰孟子一書以過人欲存天理爲主何必曰利過人欲也亦有仁義存天理也自此以後鮮有不可以此六字該貫章旨者○木史公稱司馬遷非其父太

孟子鈔說一

五

史談也

○孟子見梁惠王今立於沼上全章立沼上是接見之後同遊于園也賢者就賢君說王問有自慚意○次第上句爲主下句只反足上句王自慚一念正是可進於賢處孟子隨之不可阻之不可故只答得如此許氏曰聖賢告人非法語之言則與與之言故孟子與特君言皆是機軸前章法語之言此章與與之言也後多故此○三節靈臺之作所以候日景占星象望雲物也文王四句只衍諸意古之人二句方是斷辭歡與應民于禾靈臺靈沼應不日成之言其倏然而成如神

靈所爲也樂其句應應鹿五句然此二項亦皆歡樂中事也末二句不曰文王而曰古之人以見今人不然也與民偕樂就平日仁政言偕樂正是能樂處○末節女指日言註所引樂語出尚書大傳故能豈能語雖平開意實合照言偕樂故能享樂不能偕樂豈能獨樂諷梁王意總在言外

○梁惠王曰寡人於國也二節

分外曰加少是消耗多是繫衍非謂逃亡歸附○次節本文未明白說出小惠王道意思

不遑農時二節

註與作興徒作事也勝作盡字濟地勢自然若他

孟子鈔說一

六

是人所鑿者按網目四寸似過疎疑是以結網板子爲法結目長四寸則張目方二寸此屬每物有藩界別地以限之禁命人以守設禁令有屬禁者禁民之不以時取也斧斤有大小之別按魚鱉材木不時不取非惟待其中用亦是不折力長不秋大之意凡物初生而殘戕之則其類必不蕃蕃矣註擲裁抑也○四節古者以方一里九百畝之地爲一井八面皆百畝爲私田八家受之內一百畝爲公田八家又各受公田十畝共八十畝餘二十畝八家分之得二畝半以爲廬舍城邑之居亦各得二畝半春令民畢出在野冬則畢入於邑

在野曰廬在邑曰里按註獨言廬舍植桑而里宅之植桑不待言也其齊桑麻並種而少者之衣出於麻此亦重老略少而下文以黎民不寒總之此止豚維豕蔬牝豕註所引月令諷魚簾材木夫之所生無窮者少用可也芻豢蠶桑人力所致有限非老者不得用如祭祀燕享雖民庶亦得用之註經界謂治地分田經畫其疆塗封植之界也井地即井田也不違農時是暫順其特勿奪其時是立定其法也數口兼老少言庠序皆鄉學里有庠鄉有序謹字有法制在內五品人倫詩書禮樂皆在所教而重孝悌申之也養其老者次以及其少者

孟子鈔說一

七

教其少者又以優其老者古人之尊高年如此九此諸節皆孟子勸梁王行仁義之實事七十者二句又總上面之辭而申說之以起必王之意而教之意亦在其中黎民一說熱熱分二義黑黑色黎民黎民之黎訓衆不訓黑註法制總言之品節詳言之法制品節即是裁成補相之道裁成以制其過輔相以輔其不及左右道也上文三不可勝從地利上言此第三可以方主法制品節說天時地利人三者相濟然後爲王道之成也

狗彘食人食節

首二句以平時言次二句以凶歲言宜重不知登

方與下罪歲相應註益脩其政々字即上王道是也○通章大旨要見王道之作用與小惠不同蓋小惠必移民移粟而後濟然勢小豈能盡濟也若王道則因天之所生地之所養爲之開其源而節其流因民有恒產民有恒性爲之分其業而庸其心故在平居既有餘資在凶歲亦有餘蓄固無待移民移粟而後濟也○程說塗泥也炭火也天下之義主也義云首蓋合則從不合則去之意天命之改未改驗之人心而已

○梁惠王曰寡人願安承教全章

安承教欲孟子盡言無隱○次節三節政言虐政

孟子鈔說一

八

是承上章歲兵之意而敷演之○四節因上章狗彘食人食塗有餓殍之意而究言之只將四句相形說去而厚歎意自見此正指虐政之實○五節末節爲惠王徂于故習不知其虐政故以爲民父母動之以作備無後警之揮釜云木人送葬設關而能跳踰故謂之備檀弓云孔子謂爲芻蕘者善謂爲備者不仁不殆於用人乎哉一語用之猶殺之蒙引云孟子向之所以告者亦既詳矣無用贅言矣爲惠王計者今日切務惟在除去目下所行之虐政虐政既除然後王政可以施○李說夫人不可象而用况可餓而死之乎又况可率獸而食

人乎此是孟子探源手段

○梁惠王曰晉國天下莫強焉全章

註魏文侯斯趙烈侯藉韓景侯度謂之三晉而魏為大也死者指先人○次第曰百里則堂々千里之樂不待言矣曰可王則區々報怨之事不必言矣○三節省刑只刑當其罪薄斂只惟正之供歟按仁政大自已舉則必不重農時而民得盡力於耕耨又得有暇日以脩禮義也此提壯者二字直為下用兵張本長上卿君長可使二字重民心樂死上說非謂能勝秦楚也本文出事長上以平時言計尊君親上以有事時言也○四節五節承上

孟子鈔說一

九

可使制挺句未而說外國又有不能敵之機以起末節意陷溺其民即總上節說夫誰與王敵非敵不過自不與我為敵耳○熊氏曰當時七雄皆大國也孟子獨憐々於齊梁者欲得志行乎中國也若秦楚則蠻夷戎狄之裔七篇之書深鄙外之蓋其得志必非天下生民之福自周之衰天下大勢不入於楚必入於秦聖賢已逆知其所趨矣○缺按孟子真天下雄才有撥亂反治手段當時齊梁大國授之以政則豈惟均井地教孝悌而坐俟天下之來歸哉然不先正其本則不可以一有為故必先以王道說之而時君無聽用者所以竟不得

試其才也惜矣夫

○孟子見梁襄王全章

望之就之有遠近之分註不似人君無儀也不見所畏無威也卒然急遽之貌問而卒然其出言又無章也按天下惡乎定只是問天下之兵爭如何其寧息也孟子自述問答之語故著一吾字下二對亦蒙之定于一亦只泛據理勢對之未及論王霸矣蒙則云此段議論關繫君道世道甚大故出以語人且以垂後世朱子曰孟子七篇無復與襄王言者豈孟子自是而不復久於梁耶倪氏曰按通鑑惠王卒孟子去魏適齊是一見事王即去

孟子鈔說一

十

也○三節孰能一之舍國力民望俱無相尚之意○四節嗜殺包得廣凡刑斂皆是不獨兵也蔡氏曰好生不嗜殺天地生物之心也必得天地此心然後可為天之子為民之父母此言萬世人牧之龜鑑也○六節天下莫不與也雖重不嗜殺亦兼時勢說以起下文按戰國時天下不知有周豈有復奉王朔之閭哉孟子每以周月言蓋尚有維王綱之意若得大為政必改行夏時矣此孰能禦之尚就苗說誠如是頂民望言由水二句狀民歸之勢以應天下莫不與也○七雄率之一天下者乃好殺之秦政豈孟子之語亦不足盡信耶蓋積

威所去雖屈於一時之勢而好殺不已卒不免于
二世之亡特爲眞主驅除耳漢高入關除秦苛法
約法三章遂以此定天下蓋格官至論竟不可罔
矣

○齊宣王問曰齊桓晉文之事二節

宣王志在桓文而問之事乃經營霸業之事若一
匡功業何待問○次節註五霸齊桓晉文宋襄秦
穆楚莊道字對本文事字說此節是抑霸功之問
下文是推王道之詳

曰德何如三節

自三至五

保民即是德勿云德足以保民此二句乃一章骨

孟子鈔說一

上

子○四節按宣王自量恐不足以保民故孟子
以其所自嘗者挑別其本心註蒙引云罍鐘之罍
謂填罍也古人以罍爲治義一般增韻云血陰幽
之物罍用血所以厭變怪禦妖罍也一說今文罍
血祭也師古曰凡殺牲以血祭者皆爲罍朱子又
曰大抵鬼神用生物祭者皆是假此生氣爲靈古
人罍鐘罍龜皆此意此若無罪又就牛說勿云若
人之無罪○五節是心足以王今字以保四海之
民言此句既指示他本心所在語勢一頓百姓二
句又是欲打勸他察識之端恐是設詞當時百姓
未必有此語註察識屬知擴充屬行

王曰然三節

自六至八

六節王只是逐孟子之語而未見有所察識故又
有下節問難○七節是誠何心哉只是自疑其以
牛易牛之心何由生非併其不忍牛之心疑之我
非愛其才二句財即指牛而字下宜添一何字一
說是言我實非愛財不知何爲易之以牛也前云
誠有是認跡之不是此云宜乎是認心之不是註
中故字是故意之故本心即是不忍之心切已言
之則爲本心也○八節是孟子回護宣王不忍之
心使知其爲本心也註術謂法之巧者朱子曰術
猶方便也又曰天下有難處夕須着有箇巧底道

孟子鈔說一

上

理始得此此心雖發而終不得施矣謂不忍牛之
心既發而又遂殺之則固此心過絕不施行若不
殺而廢罍鐘則害仁之公理而尙疑其可殺亦此
心不快行也註見牛以應物言故曰心未見牛則
此時無心可言故曰理按兩全而無害非即以
此爲仁術所以二字可玩蓋以得其兩全無害然
後方這不忍之心流行不壅乃所以爲仁術也此
但初未宣王亦未有此巧妙見識只是偶然適合
於仁術耳孟子意主於開導故爲是獎誘之說錄
按其死今字只對生看勿必做殺字此四句只以
平特言若朝廷率性省殺既祭受諸餼餘則不在

論限矣。說文庖取烹魚之義。廚庖屋也。一說方氏曰。庖宰殺之所。廚烹飪之所。欽按註不忍之心。施於見聞之所及。即是遠庖廚之意。蓋用之以禮而不妄殺。雖殺之亦不使接于見聞。則仁義並行而不相悖。固非掩耳偷鈴者之比。且其所以必遠庖廚者。亦欲以預養是心而廣為仁之術也。蒙引云。預養其心。即廣其為仁之術也。聖在預字上養之也。預則不至有是心而抑遏不得施者矣。故其仁術自廣。蓋有不勝計者矣。胡氏曰。一本心已發在於擴充。未發在於預養。便按凡有血氣之類。雖義當用者。然親踐而食之。則不止不忍之心。抑遏

孟子鈔說一

十三

不行其習慣之久。是心日忘。而至於渾無所慘怛。君子所以必有預養之術也。按宣王當以羊易牛之時。亦想及羊之敵鯨。則雖未見羊。亦不得用之。然繫鐘之禮。果出於先王之典。則當委有司之職。使其他日依禮行。而不與知。即雖殺牛亦得。

王說曰四節自九至十二

我乃行之。指以羊易牛之事。吾心即上文是誠問心之心也。今因孟子之開論。而悟其合於仁術。且當時不忍之心。施行不墮。故今其心復萌。戚令焉。戚令心動而有慘傷也。於是宣王乃知不忍之本心不從外得。然猶未能自反其本心。知此心足以

保四海而得所以推之之力。故又問此心之所以合於王者何也。但此一句。問得緊切。故孟子下文詳擴充之說。○十節孟子固要王擴充。然王及民之仁心。敵鯨而甚難之。故先發不為不能之論。以詰難之。及至二字有別。及是兩樣。而及之也。至是一途。而至之也。獨阿與詰其難易。與上兩喻相反。註人為貴。謂用恩當先。故字恐當作而字。乃與下又字呼應。仁術泛說。猶言仁道。仁民易而愛物難。此不論事而論心也。用恩與推恩有別。推又是用中之次第。○十一節王問意在非不能上。泰山北。海皆近齊。故以為喻也。註是心固有。以下預遂下

孟子鈔說一

十四

節意非正解。十二節老吾老四句。是謂推恩之易。治非謂其易。感引詩釋之以明上文言舉吾之斯刑寡妻。至兄弟之心。以御于家邦而已。推恩不外吾心。所以為易也。斯心即上面是心也。故推恩以下正着人君說。保字即前保民之保。按註聚叛二句。謂至於眾叛親離。而雖妻子至親亦不能保安也。此前三註曰同生曰同類。此註曰同氣。是一理而分殊。處古之人二句。引證語也。指古帝王功業善推是由親。而仁民仁民而愛物。為是歟。為末二句再問難前是詰其何故。此是詰其必有故。一步緊一步。註推本二字。並與前註反其本而推

之不同此本字即上文故字蓋宜主雖有不忍牛之心非真能愛物者然孟子欲開悟其本心而使推之民故意以難易逆施之說步步詰他直究病源出來而後下劑耳

權然後知輕重六節至十三

權度皆作活字看心指應物之心為甚謂其應物處此物更關繫大應物之字猶事也與本文物字有別朱子曰本然權度亦是此心萬理皆具應物之時須是仔細看合如何便是本然之權度也又曰物易見心無形度物之輕重長短易度心之輕重長短難度物差了一只是一事心差了一時萬事差

孟子鈔說一

上

所以心為甚按朱語下一條說心為甚意最為明備須知註其輕重長短之難齊三句雖似止說上一截之意而下面意思亦含在其內王能反于心而熟度其輕重長短之差則失其當然之序之故自見故曰王請度之○十四節三者總是殃民一意快於心三字正反前不忍字以動其良心○十五節王因孟子攻擊切中自知輕重長短之失乃發出其故來說此正其受病根源註欲字雖因本文大欲言之用泛說可也一說本文兩句連說總是欲誘無所謂心之正按註獨在於是獨猶一也此字虛看只是謂有欲之所誘者一在於是

也他字指牛之骸鯨此字指殃民之事王雖知其欲誘不見有要克去之之意故孟子下文挑剔其所大欲者而以後災警之○十六節欲按笑而不言非慚也所欲甚大而難言也人欲聲色為甚故加抑字皆字指肥甘五者是數其小者以發其大者也辟土地以下四項皆因言之緣攀附而外也○十七節梁氏曰王制四海之內方三千里為九州方千里蓋以田計之山川城地不在數內此蓋亦反其本本指仁政與前註反其本而推之不同○十八節仁即不忍之心發政所以施仁即上文用恩推恩使功加百姓之事使字貫下五句仁兼

孟子鈔說一

十六

已仕未仕言藏居也舊說以為藏貯按欲疾其君再揭天下字以與上四項不同類也仁政所以保民之歸所以可王故結之曰孰能禦之以應前保民而王二句使天下以下皆是遠者來註近者悅是據理帶說

王曰吾惛六節自十九至末

惛有二義昏昧是不能知昏惛是不能行是字指仁政輔者啓迪所不及教者條陳也嘗訓試下試字又有行意○二十節恒產是五畝百畝之類恒心是孝弟親長之類只是常有之善心非謂秉彝之良心惟士為能特影起民產不可無也放始遠